

得者非得彼也自得而已故去彼取此

黃茂材曰腹易厭足而目好尙無窮故學道者欲收視欲內觀欲默照其不爲目可知此者此道也亘古及今惟有此道捨此皆非道也故云去彼取此

### 寵辱章第十三

寵辱若驚貴大患若身

御註曰寵者在下貴者在上居寵而以爲榮則辱矣處貴而以爲累則患莫大焉

碧虛子陳景元曰寵者謂富貴慶賞諸吉也辱謂貧賤刑罰諸凶也夫達道之士以形骸爲逆旅生死如贅癰不榮通不

道藏輯要

道德真經  
彭鶴林集注

聖

心集六

醜窮知軒冕之去來乃外物之寄託豈有寵辱係懷而可驚但哉此謂中人耳中智之士則處安而慮危得寵而知辱故皆如驚者戒慎之深也夫心之感動異於震驚故謂之若驚世俗趨末則驚辱中智觀本故驚寵貴者尊愛之稱大患者軒冕寶貨外物養身之屬也且至人知身非我有而尙外之况尊愛他物乎今世之人謂軒冕寶貨可以資生故貴之如身而不知身之與物皆是大患之本不足貴也

陸佃曰寵所以爲尊貴所以爲患何也曰寵之與貴皆外物者也外物非吾所有而有之此所以爲大患大辱  
道真仁靜先生曹道冲曰以寵辱爲重甚於性命

葉夢得曰寵辱者視寵猶辱也貴大患者以貴為大患也驚者猝然遇之而駭者也身者憂患之所從生而不欲有者也常物之情得其所欲則順而安非其所欲則逆而駭故世不驚於寵而驚於辱寵之過必辱辱之復必寵視寵猶辱而若驚者知寵之必有辱也貴者人之所尊也貴賤無常分有貴而賤者爭生滅無定形有身而偶者敵視貴為患而若身者知貴之必有賤也

黃茂材曰寵人所榮也在道則為可辱貴人所欲也在道則為可患自古以來因寵貴之極陷於禍敗者何可勝數譬之犧牛衣以文繡食以芻菽及其牽而入於太廟求為孤犢而

道藏輯要

道德真經 彭鶴林集注

卷

心集六 四百十八

不可得則夫所謂寵貴者豈不可辱可患乎

何謂寵辱寵為下

碧虛子陳景元曰開元御本作寵為下言人得富貴慶賞者恃寵而驕盈則生禍因寵獲禍則寵為辱本故曰為下河上公本作寵為上辱為下於義完全而理無迂濶皇甫謐本亦作寵為上辱為下言以得為上失為下也

潁濱蘇轍曰所謂寵辱非兩物也辱生於寵而世不悟以寵為上而辱為下者是也若知辱生於寵則寵固為下矣

陸佃曰可得而寵者下也

劉涇曰寵人者為上則寵於人者為下矣孟子曰趙孟之所



貴趙孟能賤之矣

得之若驚失之若驚是謂寵辱若驚

御註曰軒冕在身非性命之理物之儻來寄也寄之其來不可拒故至人不以得爲悅其去不可圍故至人不以失爲憂今寄去則不樂受而喜之是以得失累乎其心能勿驚乎碧虛子陳景元曰世俗據其富貴操之則慄捨之則悲未達得失之非我故皆驚懼也中智之士知禍福循環得其寵榮必有悴辱故戒之持勝如失之驚也

臨川王安石曰得失若驚此寵之所以爲辱也

黃茂材曰寵於人則服役於人其得也在人而不在我故得

道藏輯要

道德真經  
彭鶴林集注

書

心集六  
川文川

亦驚其失也在人而不在我故失亦驚夫在我者大澤焚而不能熱河漢沍而不能寒疾雷破山風振海而不能驚又何有於得失哉

何謂貴大患若身

御註曰據利勢擅賞罰作福威天下畏之如神明尊之如上帝可謂貴矣聖人則不以貴自累故能長守貴而無患譬如人身墮肢體黜聰明離形去智運於大同則無入而不自得也世之人以物易性故累物而不能忘勢以形累心故喪心而不能忘形其患大矣

劉涇曰前章言五色聲味馳騁田獵難得之貨交攻其內外

所謂大患也而患本於有身無是身則無是患矣而身者委形於造物則安能必無哉今享天下之貴則事天下之事將羶行以悅人蒿目以憂世其患可勝言哉莊子曰夫貴者夜以繼日思慮善否其爲形也亦疏矣

道真仁靜先生曹道冲曰世俗不知寵爲致辱之大患而返貴重致辱之患如身

吾所以有大患者爲吾有身及吾無身吾有何患

御註曰人之生也百骸九竅六臟賅而存焉吾誰能爲親認而有之皆惑也體道者解乎此

碧虛子陳景元曰夫人所以有大患者謂其有身也且人之

道藏輯要

道德真經  
彭鶴林集注

卷

心集六  
八十一

身無羽毛以禦寒暑必將資物以爲養而貪生太厚者動入死地若能外其身不以身爲身忘其心不以心爲心冥乎造化同乎萬物使行若曳枯木坐若聚死灰則向之寵辱大患何緣及之又曰無者忘也外也或以無身爲滅壞空寂者失老氏之宗旨矣

穎濱蘇轍曰性之於人生不能加死不能損其大可以充塞天地其精可以蹈水火入金石凡物莫能患也然天下常患亡失本性而惟身之貴愛身之情篤而物始能患之矣生死疾病之變攻之於內寵辱得失之交撻之於外未有一物而非患也夫惟達人知性之無壞而身之非實忽然忘身而天



下之患盡去然後可以涉世而無累矣

道真仁靜先生曹道冲曰我因何能致大患爲有此身爲致患之本又何况身外更有不能捨棄重於身者乎

清源子劉驥曰人之有身飢渴寒暑生老病死莫非患也故吾所以有大患者爲吾有身及吾無身吾有何患所謂無身者外生死遺禍福忘乎物忘乎天其名爲忘己忘己之人是謂入於天若然者體合大道心同太虛死生無變於己而况利害之端乎

故貴以身爲天下若可寄天下愛以身爲天下若可託天下

御註曰天下大器也非道莫運聖人體道天下樂推而不厭

道藏輯要

道德真經  
彭鶴林集注

美

心集六  
八廿

其次則知貴其身而不自賤以役於物者若可寄而已知愛其身而不自賊以困於物者若可託而已

涑水司馬光曰夫貴重天下者天下亦貴重之愛利天下者天下亦愛利之未有輕賤殘賊天下而天下貴重之者也故聖人之貴愛天下所以貴愛其身也如此則付以大器必能守之

穎濱蘇轍曰人之所以驚於權利溺於富貴犯難而不悔者凡將以厚其身耳今也祿之以天下而重以身任之則其忘身也至矣如此而以天下予之雖天下之大不能患之矣  
陳象古曰恃貴有己而爲天下非寄天下之要也恃愛有己

而爲天下非託天下之要也故曰若可寄若可託言若則不可寄不可託之義也

葉夢得曰不貴其貴而貴其身雖得天下而不敢執視之猶逆旅茲非可以寄天下者乎不愛其寵而愛其身雖有天下而不敢任處之猶籬廬茲非所以托天下者乎

黃茂材曰人不知貴其身者以天下爲重而以身爲輕爾故不知貴其身人不知愛其身者以天下爲大而以身爲小爾故不知愛其身老子之道以身爲天下可貴可愛者皆在身彼天下特其外物故可寄托焉

林東曰達人遺寵而辱不及忘身而患不至有身者以其不

道藏輯要

道德真經  
彭鶴林集注

卷

心集  
大白

能忘身也忘身則無身而亦無患若舜有天下而不與堯之非心黃屋則幾矣貴與愛寄與托則一意辭勢互換然耳

視之不見章第十四

視之不見名曰夷聽之不聞名曰希搏之不得名曰微此三者不可致詰故混而爲一

碧虛子陳景元曰無形之形天地以生謂之夷無聲之聲五音以始謂之希無緒之緒萬端以起謂之微此皆先賢舉其進道之方也若夫能忘其視聽冥其循搏混一都無則至矣盡矣不可以加矣

穎濱蘇轍曰此三者雖有智者莫能詰也要必混而歸於一